

圓悟佛果禪師語錄卷第十四

惠七

宋平江府虎丘山門人紹隆等編

頌古舉德山小叅示衆云老僧今夜不答話
問話者三十棒時有僧出禮拜德山便打僧
云某甲話也未問爲什麼打某甲德山云你

惠七

是甚處人僧云新羅人山云未跨船舷好與
三十棒法眼云大小德山話作兩極圓明云
大小德山龍頭蛇尾雪竇云德山握閫外威
權有當斷不斷不招其亂底劍要識新羅僧
只是撞著露柱底瞎漢

大冶烹金忽雷驚春草木秀發光輝日新不
費纖毫力擒下天麒麟全威殺活得自在千
古照耀同水輪話作兩極句中眼活龍頭蛇
尾以指喻指撞著露柱瞎衲僧塞斷咽喉無
出氣擬議尋思隔萬山喏舌頭三千里

舉德山挾複子到瀉山上法堂從東過西從
西過東瀉山默坐不顧德山云無無便下去
復云也不得草草遂具威儀見瀉山提起坐
具云和尚瀉山擬取拂子德山便喝當時背
法堂著草鞋便去瀉山至晚問首座適來新

到在什麼處首座云當時背法堂著草鞋便去
滿山云還識此子麼已後向孤峯頂上蟠結草庵呵佛罵祖去在

大用不拘今古措摸倒拈蝎尾平捋虎鬚若非深辨端倪何以坐觀成敗後處頽脫囊錫

高來卷舒方外孤峯頂上浪滔天正令當行百雜碎吐

舉南泉參百丈涅槃和尚文問從上諸聖還有不爲人說底法泉云有文云作麼生是不爲人說底法泉云不是心不是佛不是物文

云說了也泉云普願只恁麼未審和尚如何文云我又不是善知識爭知有說不說泉云普願不會文云我太煞爲你說了也

鸞膠續斷絃猊血化驢乳從來不爲人今古參佛祖箭旣離絃無返回將欲奪之必固與

唐七

語時默默時語人從陳州來却往許州去

二

舉百丈再參馬祖祖舉拂子文云即此用離此用祖掛拂子於舊處侍立少頃祖云爾已後鼓兩片皮如何爲人文取拂子舉起祖云即此用離此用文掛拂子祖便喝文大悟後

謂黃檗云我當時被馬祖一喝直得三日耳聾

豎拂掛拂全機出沒即此離此較若畫一頂門當下轟霹靂鉞出膏肓必死疾承當一喝聾三日師子神威恣逞擲百煉真金須失色復云有麼有麼吐

舉道吾至一家弔慰漸源撫棺問生耶死耶吾云生也不道死也不道源云爲什麼不道吾云不道不道後於石霜再舉始知落處一日將鉢于於法堂上從東過西從西過東霜

云作什麼源云覓先師靈骨霜云洪波浩渺白浪滔天覓什麼靈骨源云正好著力太原孚云先師靈骨猶在

生耶死耶築著磕著不道不道藏頭露角黃金靈骨鏗鏘白浪滔天卓犖殷勤爲語透關

應七

人萬里孤光長爍爍無摸索趙州石橋成畧約

舉靈山會上有一女子於佛前入定佛勅文殊出之文殊遶女子三遭鳴指一下女子入定儼然文殊遂運神力托至梵天撲下女子

亦復儼然佛云非但汝一人出此女子定不得設使百千萬億文殊亦出不得下界有圓明菩薩能出此定佛語未竟圓明從地湧出佛勅令出定圓明遶女子三匝鳴指一下女子遂出定老宿徵云文殊是七佛之師爲什麼出女子定不得圓明爲什麼却出得

大定等虛空廓然誰辨的女子與瞿曇據令何條直師子奮迅兮搖乾蕩坤象王回旋兮不資餘力孰勝孰負誰出誰入雨散雲收青天白日君不見馬駒踏殺天下人臨濟未是

白拈賊

舉清原謂石頭云人人盡道曹溪有消息頭云有人不道曹溪有消息原云大藏小藏從何得頭云盡從這裏去

有消息太沉屈無消息轉埋沒大藏小藏從茲出撒沙撒土無終極甜如蜜苦如藥明如日黑如漆擊碎千年野狐窟填溝塞壑少人識

舉僧問雲門佛法如水中月是不門云清波無透路僧云和尚從何得門云再問復何來

僧云便恁麼去時如何門云重疊關山路
徧界不藏清波澄寂互換投機箭鋒相直提
起向上鉗鎚石火電光莫及便恁麼隔關山
碧潭雲外不相關

舉僧問龍牙二鼠侵襲時如何牙云須知有

惠七

隱身處始得僧云如何是隱身處牙云還見
儂家麼堂堂成見密密難見二鼠雖黠莫逢
其便藤枝透出未生前正眼當陽巧回換龍
牙老機如電遇賤即貴貴即賤
舉圓覺經云以大圓覺爲我伽藍身心安居

平等性智毫髮不留縱橫自由閭外乾坤廓
落大方無外優游明明祖師意明明百草頭
擔破狐疑網截斷愛河流縱有回天力爭如
直下休四衢道中淨裸裸放出瀉山水牯牛
舉僧問雪峯古澗寒泉時如何峯云瞪目不
見底僧云飲者如何峯云不從口入後有僧
舉似趙州州云不可從鼻孔裏入去也僧却
問古澗寒泉時如何州云苦僧云飲者如何
州云死雪峯聞之云趙州古佛從此不答話
趙州象骨巖舉世無倫擬共撫沒絃琴千載

清人耳古澗寒泉瞪目凝然不從口入飲者
忘筌重出語苦又死不答話同彼此相逢兩
會家打鼓弄琵琶箇中誰是的白鳥入蘆華
舉外道問佛不問有言不問無言世尊良久
外道云世尊大慈大悲開我迷雲令我得入
外道既去阿難問世尊云外道有何所證世
尊云如世良馬見鞭影而行

不問有無言言前立問端兩邊俱坐斷一劍
倚天寒鞭影未動歷塊過都慈門既開陵有
轍無遼天鼻孔須穿却誰是追風天馬駒

舉僧問六祖黃梅意旨是什麼人得祖云會
佛法人得僧云和尚還得也無祖云我不得
僧云為什麼不得祖云我不會佛法

斬釘截鐵大巧若拙一句單提不會佛法儘
他葉落華開不問春寒秋熱別別萬古碧潭

空界月

舉太原孚上座問鼓山父母未生時鼻孔在
什麼處山云即今生也鼻孔在什麼處孚不
肯乃云你問我與你答山云父母未生前鼻
孔在什麼處孚乃搖扇而已

父母未生前生也只如然一般拈掇能奇巧
直下渾如火裏蓮騰今煥古極妙窮玄大可
憐清風長滿座一萬八千年

舉乾峯示衆云舉一不得舉二放過一著落
在第二雲門出云昨日有一僧從天台來却

徑徑山去峯云典座今日不得普請

春蘭與秋菊一一各當時底處無回互怨誰
分髓皮風來鳥已覺露重鶴先知爲問何能
爾渠懷初不知

舉雲巖問道吾大悲菩薩用許多手眼作麼

吾云如人夜間背手摸枕子相似巖云我會
也吾云你作麼生會巖云遍身是手眼吾云
太煞道只道得八成巖云你又作麼生吾云
通身是手眼

遍身是通身是酥酪醍醐爲一味毫端湧出

舉

六

須彌盧芥子吸竭滄溟水十虛吞爍正眼寥
廓照用同時人境俱奪棒頭喝下錯承當背
手拈來也失却莫莫水是水兮山是山切忌
無繩而自縛

舉洞山夏末示衆云初秋夏末直須向萬里

無寸草處去衆無語僧舉似石霜霜云何不
道出門便是草

新豐路坦然豈事正偏圓萬里無寸草何人
可向前機不轉墮塵緣透得脫犯風烟瀏陽
端的破中邊出門已是草芊綿投機儻善語
來脉兩岸俱玄一不全復云看脚下

舉定山夾山同行定山云生死中無佛則無
生死夾山云生死中有佛則不迷生死二人
各謂已語親切往大梅舉而質之梅云一親
一疎二人下去次日夾山往問阿那箇親梅

云親者不問問者不親夾山住院後舉此謂
衆云我當時失却一隻眼雪竇拈云夾山畢
竟不知當時換得一隻眼

有佛不迷無佛則無大梅頂門正眼劃時已
驗親疎家抱荆山璞人握靈蛇珠失却與換

得同歸故殊途惠七作家金槌當面擲七臨機俊鷄

趁不及將謂赤鬚胡更有胡鬚赤

舉趙州云老僧答話去也有解問底致將一
問來時有僧出禮拜州云比來拋磚引玉却
引得箇鑿子下座後法眼舉問覺鐵甯此意

如何覺云與和尚舉箇喻如國家拜將相似
問誰人去得有一人云某去得答云汝去不
得法眼云我會也

千年田八百主誰當機辨來處趙州要答話
拋磚引磬子覺老話端倪如拜將相似去得
去不得言下分緇素箇裏高於萬仞峯不動
纖毫擒佛祖崇寧効古所作答話去也或有
箇出來只向伊道了

舉馬祖百丈西堂南泉翫月次祖指月問西
堂正當恁麼時如何西堂對云正好供養問

百丈丈對云正好修行問南泉泉拂袖便去
祖云經入藏禪歸海唯有普願獨超物外
皎皎凝虛碧沉沉發皓彩秋色共澄清永夜
臨寰海修行供養逗圓機聊聞便去超方外
馬駒兒端的別萬古定乾坤一言全殺活復
云高著眼

舉金牛行食次問龐居士云生心受食淨名
所呵去此二途居士還甘否士云當時善現
豈不作家牛云豈干他事士云食到口邊被
人奪却牛便行食士云不消一句子

淨名呵善現金牛勘龐老彼此不相饒峻機
無處討雲行雨施雷奔電掃殺虎陷虎出草
入草毘婆尸佛早留心直至如今不得妙
舉師祖問南泉摩尼珠人不識如來藏裏親
收得如何是藏泉云王老師與你往來者是
藏雪竇云草裏漢祖云直得不往來時如何
泉云亦是藏雪竇云雪上更加霜祖云如何
是珠泉云師祖祖云諾雪竇云百尺竿頭作
伎倆未是嶮若向箇裏著得一隻眼賓主互
換便能深入虎穴或不恁麼直饒師祖悟去

也是龍頭蛇尾漢
蒼鷹逐兔驪龍翫珠透青眼不瞬照物手寧
虛往來不往來草裏謾塗糊百尺竿頭入虎
穴分明月上長珊瑚
舉僧問樂山如何是道中至寶山云諂曲僧
云不諂曲時如何山云傾國莫換
道中有至寶濟世無倫匹藥嶠發深藏唯云
莫諂曲不諂曲傾國相酬未相直壁立萬仞
此心真不必當來問彌勒
舉僧問雲門學人不起一念還有過也無門

云須彌山

石筍抽條泥牛吼月誰料同舟自胡越應機湧出須彌山一念不生何處雪金剛寶劍當頭截

舉僧問投子一大藏教還有奇特事也無子

云演出一大藏

惠七

九

頓漸偏圓權實空有釘背鐵舌河目海口一道清虛亘古今八角磨盤空裏走舉智門問五祖戒和尚暑往寒來則不問林下相逢事若何戒云五鳳樓前聽玉漏門云

永樂北藏

圓悟佛果禪師語錄

第一五六冊

爭奈主山高案山低戒云須彌頂上擊金鍾高高峯頂翻銀浪深深海底起紅塵金鍾玉漏相酬酢疑殺滔滔天下人苟非作者孰問關津執鞭回首四海良隣君不見仲尼溫伯雪傾蓋相逢也奇絕

舉本仁示衆云尋常不欲向聲前句後鼓弄人家男女何故且聲不是聲色不是色僧問如何是聲不是聲仁云喚作色得麼僧云如何是色不是色仁云喚作聲得麼僧無語仁云且道爲汝說答汝話若人辨得許你有箇

入處

聲出虛色生無聲前句後轉塗糊間不容髮
安可名模堂堂圓應沒錙銖巧張爐鞴費分
踈爭如棒下無生忍聞見馨香滿道塗

舉雲門問僧云古佛與露柱相交是第幾機

僧無語門云你問我與你道僧遂問門云一

條緇三十文僧云如何是一條緇三十文門

云打與代前語云南山起雲北山下雨

油然南山雲霈然北山雨露柱笑呵呵燈籠

超佛祖中涌邊沒西天東土樓閣門開竟日

閑野老不知何處去

舉教中道未離兜率已降王宮未出母胎度
人已畢

大象本無形至虛包萬有末後已太過面南
看北斗王宮兜率度生出胎始終一貫初無

去來掃蹤滅跡除根蒂火裏蓮華處處開

舉僧問雲門生死到來如何回避門云在什

麼處

針眼魚吞大千界蟭螟蟲吐妙高山太虛包
括無遺漏萬彙全歸指掌間起復滅去還來

石橋踏斷通身黑那知華頂是天台

舉丹霞初見馬祖以兩手托幞頭祖云吾非汝師南嶽石頭處去霞遂至石頭如前托幞頭頭云著槽檟去霞依童行次一日石頭爲衆云今日齋後普請剡佛殿前草衆競其鋤歛霞獨洗頭捧剃刀於石頭前胡跪頭云作什麼霞云請師剡草石頭笑爲剃髮呼與授戒霞掩耳而去却回江西馬祖院騎聖僧項衆驚報馬祖馬祖親來見乃云我子天然霞遂作禮云謝師安名祖問甚處來霞云石頭

來祖云石頭路滑子莫曾踏倒麼霞云若踏倒則不來也

問一答十告往知來龍馳虎驟玉轉珠回聊聞舉著已瞥地剔起便行何後哉剡草固奇崛安名尤突兀二老畧玄黃賞茲千里骨真

卷七

十一

規鎮儼然覲面看標格騰雲一舉迷風日

舉雲門示衆云乾坤之內宇宙之間中有一寶祕在形山著燈籠向佛殿裏拈三門安燈籠上

虎豹文章麒麟頭角輝天焯地堆山積嶽撈

破面門兮盡色騎聲截斷羅籠兮解粘去縛
罷却干戈百草頭萬里秋天飛一鷲

舉雪峯示衆云盡大地撮來如粟米粒大拋
向面前漆桶不會打鼓普請看

疾焰過鋒奔流度刃唱拍相隨拳踢相應慕

然轟起震天雷百草頭春色回

舉僧問馬祖如何是佛祖云即心即佛

無鬚鎖子八面玲瓏不撥自轉南北西東海

神知貴不知價留向人間光照夜

舉僧問馬祖如何是佛祖云非心非佛

碧海珠荆山壁耀乾坤誰別識利刀剪却無
根樹萬疊峯巒歛烟霧

舉馬祖與百丈同遊山見野鴨子飛過祖云
是什麼丈云野鴨子祖云向什麼處去也丈
云飛過了也祖將百丈鼻孔扭丈作忍痛聲

祖云何曾飛去丈於此有省

野鴨過前溪千峯凜寒色相顧不知歸未免
資傍攀扭破疑團葛怛消消風直下透青霄
雲山海月渾閑事一語歸宗萬國朝

舉僧問鏡清新年頭還有佛法也無清云有

僧云如何是新年頭佛法清云元正啓祚僧
云謝師答話清云鏡清今日失利又僧問智
門明教新年頭還有佛法也無教云無僧云
年年是好年日日是好日爲什麼却無教云
張公喫酒李公醉僧云老大大龍頭蛇尾

卷七

十二

教云明教今日失利

穩密田地神通遊戲佛法新年頭有無俱失
利一樂等虛空豈容立巴鼻草上之風祖令
行誰知雷罷不停聲

舉僧問瑯琊清淨本然云何忽生山河大地

瑯云清淨本然云何忽生山河大地其僧有
省

相罵饒你接背相唾饒你潑水塵舉大地收
華開世界起一摸脫出絕功勳白裏揆開大
施門

舉僧問長沙本來身還成佛否沙云你道大
唐天子還刈茅割稻否僧云成佛又是何人
沙云是你成佛知不知

巨嶽何曾乏土唐皇豈可刈茅禮拜近前又
手西天十萬迢迢古佛即自己自己即古佛

永樂北藏

圓悟佛果禪師語錄

第一五六冊

珊瑚漱灑十洲春蟾蜍映奪驪龍窟

舉僧問百丈如何是奇特事丈云獨坐大雄
峯僧禮拜丈便打

醬裏著鹽雪中送炭纔將虎鬚棒頭有眼恠
來獨坐大雄山他家曾踏上頭關

舉僧問香林如何是室內卷七一盞燈林云三人

證龜成鼈

皎皎清光徧界莫藏聲拋不出色豈能彰直
下斬釘截鐵剗却古今途轍高出臨濟德山
三人證龜成鼈別別一回喫水一回噎

舉麻谷持錫見章敬遠繩床三帀振錫一下
卓然而立敬云如是如是後到南泉亦遠繩
床三帀振錫一下卓然而立泉云是不是
谷云章敬道是和尙爲什麼却道不是泉云
章敬則是是汝不是此是風力所轉終歸敗
壞

如是不是去却藥忌擬犯封疆全軍失利杖
頭突出古菱華舉世風流屬當家

舉僧問樂山平田淺草塵鹿成羣如何射得
塵中塵山云看箭僧便放身倒山云侍者拖

出這死漢僧便起走山云弄泥團漢有什麼數

獵人有神箭射得麀中麀箭下快承當跳出曹溪路翻身踏著上頭關敵勝驚群瞥爾間舉雲門示衆云藥病相治盡大地是藥那箇是自己

太嶢敲金殺活絕承當無摸索囊中意氣開外籌略倒退三千里盡大地是藥錯錯利劍七星光閃爍

舉乾峯示衆云法身有三種病二種光須是

一一透得始解穩坐雖然如是更須知有照用同時向上一竅始得雲門出衆問云只如庵內人爲什麼不見庵外事峯呵呵大笑門云猶是學人疑處在峯云子是什麼心行門云也要和尚相委悉峯云直須恁麼始解穩坐

卷七

十四

動絃別曲聞一知十手搦手擡以膠投漆庵內不見庵外無孔鐵槌不會人生相識貴知音水入水兮金博金

舉靈雲見桃李悟道有頌三十年來尋劍客

永樂北藏

圓悟佛果禪師語錄

第一五六冊

幾回葉落又抽枝自從一見挑華後直至如今更不疑玄沙云諦當甚諦當敢保老兄未徹在

陌上笑春風枝頭漏消息紅光燦太虛豈藉陽和力學劍宗師既不疑玄沙未徹最新奇掃除學路刮肌骨格外之機如電拂

舉雲門問洞山近離甚處山云查渡門云夏在甚處山云湖南報慈門云幾時離彼中山云今年八月門云放汝三頓棒次日洞山往問昨蒙和尚放某三頓棒未審過在什麼處

門云飯袋子江西潮用便恁麼去洞山大悟見兔放鷹因行掉臂赤骨歷窮方圖富貴放三頓棒尚遲疑再挨力識利頭雖單提獨脚機關外明眼衲僧猶不會

舉三聖問雪峯透網金鱗以何爲食峯云待

志七

十五

汝出網來向你道聖云一千五百人善知識話頭也不識峯云老僧住持事煩

百草頭出沒三界外遨遊徒布漫天網虛下釣鼇鉤搖鱗振鬣撼乾坤元目昂頭洪浪噴棒兩點喝雷奔肯將爭戰定功勳

舉僧問趙州見說和尚親見南泉是否州云
鎮州出大蘿蔔

鎮州出大蘿蔔猛虎不食伏肉直饒眼似流
星爭免持南作北老趙州迴殊絕片言本自
定乾坤返使叢林鬧聒聒

舉陸亘大夫謂南泉云肇法師也甚奇恠解
道天地與我同根萬物與我一體泉云大夫
陸應諾泉指華云時人見此一株華如夢相
似

山潤石蘊玉林秀淵藏珠見此一株華似夢

灼然根體不同途王老師脫規模解向長安
正開處喚得悠悠陸大夫

舉雲門示衆云十五日已前則不問汝十五
日已後道將一句來衆無對自代云日日是
好日

破二作一分三成六著串數珠數不足南辰
信手攀北斗回身觸豁開戶牖正當軒玉兔
金烏如轉燭傳不得得不得那知陌上春條
綠

舉僧問洞山如何是佛山云麻三斤

鍾在扣谷受響池印月鏡含像曾非展事投
機豈是預搔待痒點鐵成金舉直指枉一箭
鵬一隻一搥血一掌君不見疎而不漏兮恢
恢天網

舉雪峯示衆云三世諸佛在火焰裏轉大法

萬卷七

十六

輪玄沙云火焰爲三世諸佛說法三世諸佛

立地聽

將謂猴白更有猴黑互換投機神出鬼沒烈
焰亘天佛說法亘天烈焰法說佛風前剪斷
葛藤窠一言勘破維摩詰

舉東寺問仰山甚處人山云廣州寺云我聞
廣州有鎮海明珠是否山云是寺云作何顏
色山云黑月則現白月則隱寺云子還帶得
來麼山云帶得來寺云何不呈似老僧山云
諾惠寂昨到瀉山亦被索此珠直得無言可
對無理可伸寺云真師子見大師子吼
善撫太阿缺決無傷手厄慣編猛虎鬚必育
全身策鎮海珠巧呈似離色離聲離名字梅
檀林裏熟梅檀師子窟中吼師子
舉趙州示衆云至道無難唯嫌揀擇但莫憎

愛洞然明白纔有言語是揀擇是明白老僧
不在明白裏汝等還護惜也無僧問既不在
明白裏未審護惜箇什麼州云我亦不知僧
云和尚既不知為什麼道不在明白裏州云
問事則得禮拜了退

惠主

主

至簡至易同天同地揀擇明白云何護惜口
似錐眼似眉涉語脉眩憐變堪笑卞和三獻
玉縱榮則却一雙足

舉石頭示衆云言語動用沒交涉藥山云非
言語動用亦沒交涉頭云我這裏針劑不入

山云我這裏如石上栽華

井底泥牛吼月雲間木馬嘶風把斷乾坤世
界誰分南北西東直中曲曲中直要平不平
憑秤尺

舉雪峯示衆云望州亭與諸人相見了也烏
石嶺與諸人相見了也僧堂前與諸人相見
了也後保福舉問鵝湖僧堂前則且置什麼
處是望州亭烏石嶺相見鵝湖驟步歸方丈
保福便入僧堂

藕線引鯨鰲針鋒輓芥投望州烏石嶺未唱

已先酬大唐擊鼓新羅舞覲面相呈不相覲
舉代宗皇帝問忠國師和尚百年後所須何
物國師云要箇無縫塔予帝云請師塔樣國
師云會麼帝云不會國師云吾有付法弟子
耽源却諳此事請詔問之國師遷化後帝召
耽源問此意如何耽源呈頌云湘之南潭之
北中有黃金充一國無影樹下合同船瑠璃
殿上無知識

八面自玲瓏盤空勢岌岌表裏鎮巍然若爲
分六鑿執名匿相認影迷形卧龍長怖碧潭

清合同船子開心挽日月如何不現成
舉石頭見藥山坐次問你在此作什麼山云
一物不爲頭云恁麼則閑坐也山云閑坐則
爲也頭云汝道不爲不爲箇什麼山云千聖
亦不識石頭以頌讚之從來共住不知名任
運相將只麼行自古上賢猶不識造次凡流
豈可明

惠七

十八

擺撥佛祖縛曠然繩墨外一物亦不爲縱橫
得自在古鑑臨臺明辨去來金鎚影動鐵樹
華開任運相將不可陪法雲隨處作風雷

舉雲門示衆云人人盡有光明在看時不見
暗昏昏作麼生是光明衆無對自代云僧堂
佛殿厨庫三門

夜明簾外千峯秀
寶鏡臺前萬象虛
掃蹤滅跡不立鎔鉢誰爲佛殿誰是香厨敲出鳳凰

五色髓擊碎驪龍明月珠

舉世尊生下周行七步目顧四方一手指天
一手指地自云天上天下惟我獨尊

右脇誕金軀九龍噴香水巖巖步四方周匝
蓮華起末上先施第一機高風亘古鎮巍巍

永樂北藏

圓悟佛果禪師語錄

第一五六冊

當時有箇承當得等閑擒下白拈賊

舉雪峯住庵有二僧到峯見以手托庵門放
身出云是什麼僧亦云是什麼峯低頭歸庵
其僧後至巖頭頭問云雪老有何言句僧舉
前話頭云雪峯道什麼僧云雪峯無語頭云
噫我悔不當初向伊道有箇末後句我若向
伊道已後天下人不奈雪老何僧至夏末舉
此話請益頭云汝何不早問僧云不敢造次
頭云我雖與雪峯同條生不與雪峯同條死
要識末後句只這是

雙明復雙暗獨立絕殊方乘機直面提其鋒
安可當同條生兩鏡相照無能名不同條死
鐵樹華開亘今古末後句始牢關拈却門前
大案山

舉天平從猗和尚行脚在西院常云今時莫
道會佛法只見箇舉話底人也難得一日從
西院法堂下過西院高聲喚從猗平舉首院
云錯行三兩步院又云錯院云適來兩錯是
老僧錯是上座錯平云是從猗錯西院云錯
錯少頃西院云上座且在此度夏待與你商

量這兩錯平當時便去後住天平示衆云老
僧當年行脚被業風吹到汝州西院有箇思
明長老勸我兩錯更待留我過夏待共我商
量我不道恁麼時錯我未發足南方行脚時
早知道錯了也

把纜放船膠柱調絃遠水不救近火短綆那
汲深泉天平老大忽草爲兩錯悔行脚大地
茫茫愁殺人眼裏無筋一世貧
舉疎山平日在香巖一日巖上堂有僧問不
慕諸聖不重己靈時如何巖云萬機休罷千

聖不携踈山作嘔吐勢嚴云師叔不肯那山云不得無過嚴云過在甚處山云萬機休罷猶有物在千聖不携亦從人得嚴云師叔莫道得麼山云還我法座與你道於是嚴令陞座如前問之山云何不道肯諾不得全嚴云

第七

二十

肯又肯箇什麼諾又諾箇什麼山云肯則肯他諸聖諾則諾於已靈香嚴云師叔恁麼道也須倒倚三十年始得後住踈山常病返胃一日舉此問鏡清病僧肯諾不得全道者作麼生會清云全歸肯諾山云不得全又作麼

生清云箇中無肯路山云始契病僧意

刀不自割指不自觸鵠白鳥玄松直棘曲纔有纖塵帶影來脫體全拋無朕迹肯不存諾不立一片清光射斗牛天上人間得自由

舉趙州問南泉如何是道泉云平常心是道

州云還許趣向也無泉云擬向即乖趙州云不擬安知是道泉云道不屬知不屬不知知是妄覺不知是無記若直達不疑之道廓同太虛豈可強是非耶州於言下大悟

遇飯喫飯遇茶喫茶千重百匝四海一家解

却黏去却縛言無言作無作廓然本體等虛空風從虎兮雲從龍

舉百丈每至陞座常有一老人聽法一日衆去老人獨留丈云汝是何人老人云某非人然某緣五百生前迦葉佛時曾住此山錯答

惠定

三十一

學人一轉語所以五百世墮野狐身今欲舉此話請和尚爲答丈云汝試舉看老人云大修行底人還落因果也無某對云不落因果丈云汝問我與汝道老人遂問大修行底人還落因果也無丈云不昧因果老人遂悟得

脫野狐身化去

魚行水濁鳥飛毛落至鑑難逃太虛寥廓一往迢迢五百生只緣因果大修行疾雷破山風振海百煉精金色不改

舉風穴在郢州衙內陞座示衆云祖師心印狀似鐵牛之機去即印住住即印破只如不去不住且道印即是不印則是時有盧陂長老出問某甲有鐵牛之機請師不搭印穴云慣釣鯨鯢沉巨浸却將蛙步輟泥沙陂佇思穴便喝云長老何不進語陂擬議穴打一拂

子云長老還記得話頭麼試舉看陂擬開口
穴又打一拂子牧主云將知佛法與王法一
般穴云見箇什麼道理牧主云當斷不斷返
招其亂穴便下座

列聖風規初不放過擬跨鐵牛驀頭印破盧
陂當斷却沉吟電轉星飛活被擒喝下攙撐
同霹靂三玄戈甲振叢林

舉僧問洞山寒暑到來如何回避山云何不
向無寒暑處回避僧云如何是無寒暑處山
云寒時寒殺閹黎熱時熱殺閹黎

盤走珠珠走盤偏中正正中偏羚羊掛角無
蹤跡獵犬遶林空踞踞

舉金牛每至食時自携飯至僧堂前撫掌呵
呵大笑云菩薩子喫飯來喫飯來後僧問長
慶意旨如何云大似因齋慶贊僧問大光未

馬七

二十二

審慶贊箇甚麼光作舞僧禮拜光云你作麼
生會僧亦作舞光云這野狐精

絲來線去分明過與若不相諳如何驗取因
齋慶贊和泥土踏襲只言呈作舞野狐精七
星利劍血長鯨

舉疎山示衆云病僧咸通年已前會法身邊事咸通年已後會法身向上事雲門出問云如何是法身邊事山云枯椿如何是法身向上事山云非枯椿問云還許學人說道理也無山云許門云只如枯椿豈不是明法身邊事山云是門云非枯椿豈不是明法身向上事山云是門云未審法身還該一切也無山云法身周遍爭得不該門指淨瓶云還有法身也無山云莫向淨瓶邊覓門云諾諾眼觀東南意在西北撥轉天關掀翻地軸法

身向上法身邊間氣英靈五百年膠漆相投箭相往南山起雲北山雨
舉臺山路上有一婆子僧問臺山路向甚處去婆云葛直去僧纔行婆云好箇阿師便恁麼去前後僧問皆如此後有僧舉似趙州州云待我爲你勘破卷之三這老婆遂往問臺山路向甚處去婆云葛直去州纔行婆云好箇阿師又恁麼去州歸舉似大衆云我爲你勘破這婆了也老宿拈云什麼處是勘破處善緊無繩約善行無轍跡不戰屈人兵直面

當機疾老婆勘破五臺山有誰參透趙州關
舉雲門示衆云聞聲悟道見色明心作麼生
是聞聲悟道見色明心舉手云觀世音菩薩
將錢來買胡餅放下手元來却是饅頭

見色心先現聞聲道已彰掣電光中分皂白
海潮音裏別宮商韶陽老慈門普發機直用
千鈞弩

舉鏡清問僧門外什麼聲僧云雨滴聲清云
衆生顛倒迷已逐物僧云和尚作麼生清云
洎不迷已僧云意旨如何清云出身猶可易

脫体道應難 順流逆流轉物物轉良哉觀
音快逢其便出身脫體句分明門外依前雨
滴聲

舉南泉示衆云昨夜文殊普賢起佛見法見
每人與二十棒貶向二鐵圍山去也趙州出
云和尚棒教誰喫泉云王老師有什麼過州
禮拜泉下座歸方丈

霧起龍吟風生虎嘯兩口一舌異音同調文
殊普賢佛法見南泉趙州日月面據令而行
指顧間盡情貶向鐵圍山忽有箇不憤底出

來道崇寧咏只向他道果然果然

舉雪峯問僧近離甚處僧云覆船峯云生死海未渡為什麼覆却船僧無語覆船代云渠無生死雪竇代云久響雪峯

未渡生死海不應覆却船渠本無生死超然

卷七

二

離二邊長如果日麗中天舒光照到雪峯前舉僧問雲門如何是一代時教門云對一說海藏龍宮金文王牒逗器觀機破關擊節三百餘會振綱宗四十九年同箇舌阿刺刺對一說諦當之言如截鐵

舉僧問雲門不是目前機亦非目前事時如何門云倒一說

是賊識賊以楔出楔鳥跡空雲鏡象水月教兒師子迷蹤訣上樹老猫安身法活鱖鱖倒一說等閑翻却狐狸穴

舉世尊於一處九旬安居至自恣日文殊條來迦葉問今夏在何處安居文殊云在三處安居迦葉於是白衆欲擯文殊出纔舉捷契乃見無量佛刹一一佛所有一一文殊一一迦葉舉契欲擯之世尊於是告迦葉云汝今

欲擯出那箇文殊

大象不遊兔徑燕雀安知鴻鵠據令宛若成
風破的渾如齧鏃遍界是文殊遍界是迦葉
相對各儼然舉捷何處罰好一箇金色頭陀
曾落節

卷七

二十五

舉巖頭示衆云涅槃經道吾教意如塗毒鼓
擊著遠近聞者皆喪僧問如何是塗毒鼓頭
亞身云韓信臨朝底

天高地厚水闊山遙蕭何制律韓信臨朝塗
毒鼓未擊已前宜薦取

永樂北藏

圓悟佛果禪師語錄

第一五六冊

舉文殊問庵提遮女生以何爲義女云生以
不生生爲生義殊云如何是生以不生生爲
生義女云若能明知地水火風四緣未曾自
得有所和合而能隨其所宜以爲生義殊云
死以何爲義女云死以不死死爲死義殊云
如何是死以不死死爲死義女云若能明知
地水火風四緣未曾自得有所離散而能隨
其所宜以爲死義
生以不生生死以不死死根本豁然明應時
超佛祖隨宜離散與和合十字縱橫活潑潑

金剛寶劍倚天寒外道天魔皆膽慄

舉瀉山問仰山云天寒人寒仰山云大家在

這裏瀉山云何不直說仰山云適來也不曲

和尚如何瀉山云且須隨流

北風逞嚴威凜凜侵肌骨一句括人天幾曾

容朕迹隨流認得本來身遍界莫非無價珍

舉歸宗示衆云吾今欲說禪諸子總近前大

衆進前宗云汝聽觀音行善應諸方所僧問

如何是觀音行宗彈指云諸人還聞麼僧云

聞宗云一隊漢向這裏覓箇什麼以拄杖打

趣呵呵大笑歸方丈

無學彈指起圓通耳根淨透出聞不聞妙哉

觀音行捧頭指出金剛王嶮惡道中爲津梁

圓悟佛果禪師語錄卷第十四

音釋

咕噤咕許吉切噤許竭切與噤同持盧活切噤噤噤切

鳥也神貌研奚切噤噤噤切噤噤噤切噤噤噤切

鏗鏘鏗鏘切鏗鏘切鏘鏘切鏘鏘切鏘鏘切

不渡略約橫黑胡切攄攄攄切攄攄攄切攄攄攄切

永樂北藏

圓悟佛果禪師語錄

第一五六冊